

SESSIONI URDINARIA DI U 09 D'APRILI 2025

N° 2025 /M4 /05

**QUISTIONI URALI DIPUSITATA DA PAULE DELCROIX PÀ U GRUPPU
« SCELTA PATRIOTTA »**

Ughjettu : Da fà campà i nosci sfrutteri di pettu à a sicchina

Sgiò Presidente di l'ODARC

A pluviometria di l'inguernu hè stata più bona ch'è l'anni passati. Tuttavia, in u cuntestu di u scaldamentu climaticu, e sicchità si facenu di più in più frequente è impurtante, mettendu in periculu e filiere agropasturale, in particolare i settori ovinu-caprinu è arboriculu. S'è i dispositivi eccezzionali, come u «Pianu Sicchità 2024», anu permessu di sustene puntualmente l'agricultori, pare indispensabile di riflette à soluzione durevule per risponde à ste difficoltà crescente.

Nù u Pianu Strategicu Naziunale (PSN), aiuti sò attribuiti à e diverse filiere, cù livelli di suvvenzione sfarenti secondu à i bisogni agriculi ben definiti. Cusì, sò finanziati i « forages », i sistemi d'irrigazione, d'innacquamentu, ecc. Tuttavia, l'agricultura, è in particolare l'allevu, soffre di una mancanza strutturale d'acqua, peghjurendu e difficoltà di quelli chì ne dipendenu. Ognunu duveria pudè avè accessu in modu ghjustu à l'acqua agricula, indipendentemente da l'allontanamentu geograficu di a so sfruttera.

D'altronde, a maiò parte di l'allevi si trovanu in i lochi rurali, induve l'accessu à l'infrastrutture idroliche ùn bastanu micca. In parechje,

l'agricultura rapresenta l'attività economica principale e costituisce, qualche volta, l'unica dinamica di sviluppo e di mantenimento di una popolazione. Tutti qui, prunemu a ripopolazione di e cumune rurale, è l'ODARC ghjoca un rollu essenziale in a sopravvivenza di i nostri allevi è di quelli chì i facenu campà. Nisunu allevatore ùn duverebbe vede a so attività minacciata da a mancanza d'acqua. Hè dunque imperativu di truvà un equilibriu induve ognunu possi dispunì di sta risorsa vitale secondu à i so bisogni.

A stallazione di «compteur» agriculi rapresenta un prezzu troppu elevatu per e cullettività, l'allevatori è l'organismi capaci d'accordà aiuti. Hè impensèvule di lascià l'agricultura more per mancanza di suluzioni adatte. Tocca dunque à l'ODARC, cù u sustegnu di l'OEHC, di pensà misure concrete è applichevule subitu, senza per quessa richiede un bilanciù smisuratu.

E suluzione pronte è durevule esistenu. L'acqua di i fiumi chì traversanu e nostre sfruttere duverebbe pudè esse utilizzata di modu ottimale, senza cunstrizioni eccessive. L'aiuti previsti in u quadru di u PSN permettenu digià d'acquistà à prezzu più bassu u materiale per alimentà e sfruttere in acqua. Dunque, ci vuleria à rinforzà sti dispositivi è di rende u so accessu in un modu più faciule, affinché ogni sfruttera ne possi prufittà di modu efficace.

Sgiò Presidente, hè ubligatoriu di purtà risposte à sta problematica cruciale. L'avvene di i nostri allevatori, di i nostri territorii è di a nostra agricoltura ne dipende. Cù una voluntà cumuna è una cuncertazione trà l'attori cuncernati, si ponu mette in ballu suluzione viàbule affinché l'acqua, elementu fundamentale di ogni attività agricola, sia accessibile à tutti.

Dunque vi pongu sta doppia dumanda, Sgiò Presidente di l'ODARC:

- Perché ùn ispirassi di a Sardegna per a ricuperazione di l'acqua ?
- Cumu l'ODARC, cù u sustegnu di l'OEHC, puderia mette in opera da risponde à a mancanza strutturale d'acqua, senza impone cunstrizioni eccessive ?

Arringrazià vi.